



Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

20. Spem excitari à diuina prouidentia.

[urn:nbn:de:hbz:466:1-47032](#)

filia, tua auxilia, tu illis, Domine, quantum placuerit virium adspira: tuum erit, quidquid inde erit, & quod per illa fieri, te benignè adspirante fieri; si autem & consilia & auxilia ista, tuæ diuinæ maiestati minùs probantur, Sit nomen tuum benedictum, fiat voluntas tua: consiliorum tuorum est inscrutabilis abyssus, est potestas inexhausta, & aliunde certius id statues, aptius perficies, neque patieris, ut seruo tuo fiducia tua fuisse vim quam detimento videatur. *Quis sapiens, & custodiet haec, & intelliget misericordias Domini?* Psalm. 106.

C A P U T X X.

Spem excitari à diuina prouidentia.

Primam spei excitandæ rationem, vetera beneficia diximus, alteram item ipsammet Dei bonitatem qua in se sperari vult: addamus & tertiam ab eius in res omnes, potissimum tamè homines, prouidentia ductam. Est autem hæc ratio, ab ipsammet Deo ac Domino nostro Iesu Christo tam dilucidè vehementerque commendata, ut nihil melius quam crebro attenteque eius verba meditari: suadens enim, ut curis omnibus positis, ad Dei unius gloriam querendam, nos totos, ut parest, transferamus, ita suis loquitur; *Non potestis Deo servire Matth. 6.* & Mammonæ. Ideo dico vobis ne solliciti sitis anima vestre quid manducetis, neque corpori vestro quid induamini. Nonne anima plus est quam esca, & corpus plus quam vestimentum? Respicite volatilia celi, quoniam neque serum, neque metunt, neque congregant in horrea; & pater vester celestis pascit illa. Nonne vos magis pluris estis illis? Quis autem vestrum cogitans potest adjicere ad staturam suam cubitum unum? Et de vestimento quid solliciti estis? Considerate lilia agri, quomodo crescent: non laborant, neque nent. Dico autem vobis, quoniam nec Salomon in omni gloria sua cooperitus est sicut unum ex ipsis. Si autem fenum agri quod bodie est, & cras in elibandum mittitur, Deus sic vestit: quanto magis vos modica fidei? Nolite ergo solliciti esse dicentes: Quid manducabimus, aut quid bibemus, aut quo operiemur? Hæc enim omnia Gentes inquirunt. Scit enim Pater vester, quia his omnibus indigetis. Quarite ergo primùm regnum Dei, & iustitiam eius, & hæc omnia adiacentur vobis. Nolite ergo solliciti esse in crastinum. Crastinus enim dies sollicitus erit sibi ipse sufficit diei malitia sua. Ita Dominus, qui & paulò post, si vos cum sitis mali, nos tis bona data, dare filiis vestris; quanto magis Pater vester, qui in celis est, dabit bona potentibus se? Licet enim in superiori sententia, de rebus ad hanc vitam necessarijs ageret Dominus, omnemque vietus & vestitus curam in unum Deum transferendam doceret: ipsa tamen argumentorum vis, & prouidentiaratio longius progreditur. Si enim, quia pluris quam fenum, quam aues sumus, propterea magis prouidebit Deus; annon etiam, par ratione dicam, Nonne animus plus

plus est quām corpus, & xterna vita quām præsens? si ergo vitæ mox interierunt, si corpori mox esca vermium futuro, de rebus, tam necessarijs, quām opportunitatis largiter prouidit Deus, & speranti in se, regnumque Dei quārenti, benignus semper prouidet; quantò magis diuinæ prouidentiæ incumber, ut eorum quæ ad præsens animi subsidium, ad virtutum sanctorum comparationem, ad cauendas dæmonis insidias, & eternamq; salutem consequēdam spectant, nihil desit? Certè, si haec tam multa quæ videmus, tuendo, fouendo, alendo, ornando corpori dura sunt, corpus autem ipsum non nisi vehiculum est animi, & pars hominis longe infima; quis in dubium vocet, an perficiendo, suamque in beatitudinem perdendo animo longè plura atque potiora sufficiet Deus? Hoc agnoscens audiebat sancta quædam anima; Dilectus meus mihi, & ego illi: quid ille tibi, qui tu illi: nempe, intendit, vigilat, curat. O quid audet cor purum, & conscientia bona, & fides non ficta! inquit S. Bernard. Ita ne, huic intenta est illa maiestas, cui gubernatio præriter, & administratio universitatis incumbit; & cura seculorum, ad sola transferitur negotia, iudicia, amoris & desiderij huius: Ita planè. Omnia propter electos. Et cui dubium, quid gratia & misericordia Dei sit in sanctos eius, & respectus in electos illius? Ergo prouidentiam non negamus alijs creaturis, curam animus hominis vendicat sibi. Numquid de boibus cura est Deo? nec dubium quin idem dicere possumus de equis, de camelis, de elephatis, & de cunctis bestijs terra: similiter & de piscibus maris, & volatilibus celi, postremo de omni re quæ est super terram; solis sane exceptis quibus dicitur: Omnem solicitudinem vestram proycentes in eum, quia ipsi est cura de vobis. Et obserua Apostolum Petrum; (ea enim verba sunt.) Non ait, Omnem solicitudinem vestram proycentes in eum, ut sit ipse cura de vobis; sed, Quia ipsi est cura de vobis: aperte proinde monstrans, quoniam non modo dilecta, sed & quod prius dilecta fuerit Ecclesia Sanctorum. Paucisque interiecit pergit; Nonne hac est ouis errans, cuius cura, etiam supernorum cura gregum, prelata est? Domine illis expositis, pastor descendit ad istam, quasiuit diligenter, inuentam non reduxit, sed reuexit noua, cum illa, & de illa, intulit celis festa gaudiorum, populis angelorum in uitatis ad solennitatem. Quid ergo: proprijs humeris dignatus est eam reportare, & curam illius non habebit? Ideo non confunditur dicere, Dominus solitus est mei. Quid istam audeat, apud tam ambitiosum amatorem? quid non ab illo speret, qui se quasiuit e celo, reuixit à finibus terra? nec modo quasiuit, sed acquiuit: adde & de modo acquisitionis, in sanguine acquisitoris.

Certè si in eo commendatur Dei caritas, quia prior dilexit nos, quia pro peccatoribus, perduellibus, ingratis, & equalem sibi Filium morti crucis tradidit, enīne unde suspicemur, aliquid bonorum, quæ in eius potestate sunt, esse nobis denegandum? eritne unde paternam & benignissimam eius prouidentiam, nobis iam filij sui sanguine redemptis & adoptatis defuturam putemus? Audimus quid Sapiens moneat: Væ dissolutis corde, qui non credunt Deo: & ideo non protegentur ab eo. Væ his qui perdiderunt sustinentiam, & qui dereliquerunt vias rectas, & diuerterunt in vias prauas. Et quid facient, cum inspicere fecerit Dominus?

Cant. 2.

hom. 68. in

Cant.

2. Tim. 2.

1. Cor. 9.

1. Pet. 5.

Ecclesi. 2.

Dominus? Respicite, filij, nationes hominum: & scitote, quia nullus speravit in Domino, & confusus est. Quis enim permanxit in mandatis eius & derelictus est: aut quis invocauit eum, & despexit illum?

C A P U T X X I .

Quām certa sit Religioso viro spes.

Sed accipe postremum eumque copiosissimum spei in æternum profuturæ fontem, nempe à seculi tumultibus ad Religiosa vitæ quietem euocatum esse; Nec enim fecit taliter Dominus omni nationi, nec iudicia sua manifestauit eis. Scimus autem verè dictum, *Quos prædestinavit, eos & vocauit; & quos vocauit, eos & iustificauit: quos autem iustificauit, illos & glorificauit.* Dona quippe Dei sine pænitentia sunt, & ad perfectiora, constantia, & æterna perducunt: ideoque ubi vocationem, ac maximè insigniorem vocationem vides, argumentum vides salvare volentis Dei. Et quoniam eleganter atque diffusè, qui omnium manibus teritur Hieronymus Platus id persecutus est, non agam pluribus, in memoriam reuocabo Domini nostri Iesu Christi, nulla vniquam delendam obliuione sententiam; *Nemo est qui reliquit domum, aut parentes, aut fratres propter regnum Dei,* *Luc. 18.* & non recipiat multò plura in hoc tempore, & in seculo futuro vitam aeternam. Potueruntne, vel affirmatiūs, vel copiosius, animi & corporis bona promitti? talique promissione, in publicas tabulas, Spiritu sancto contestante descripta, quidquid è dubitationis possit emergere? in qualcumque redigaris angustias, quidquid è præterita, quidquid è præsenti vita molestiae ingeratur, vadem habes Christum Iesum; adito, conqueritor, *En Domine, centuplum in hac vita promisisti, & vitam deinceps aeternam;* ubi centuplum in his angustijs? ubi in hac morte vita? Veritatem verborum tuorum demonstra mihi Domine, & misericordiam tuam ne deneges mihi. Profecto, si ita fidenter accedis, numquam sine leuamento recesses. Experieris, ne dubitas; tantummodo, obsecro te frater, verbis in quam Apostoli, *Obsecro, ut dignè ambules vocatione qua vocatus es, cum omni humilitate & mansuetudine, cum patientia, supportando iniucem in caritate, sollicitus seruare unitatem spiritus in vinculo pacis.* Hic iuxta propheticum promissum, *laetaberis à Domino, & vinitores qui te excolant sortieris, & erit tibi vallis Achor ad apertendam spem, & sponsaberis Deo in sempiternum, sponsaberis in iustitia & iudicio, & in misericordia & miserationibus.* *Ephes. 4. Oje. 2.*

S. Bernardus epistola centesima septima, vult vnumquemque qui se à peccatorum cupiditatumque improbo dominatu ereptum videt, certam hinc spem salutis haurire, sibiique etiam cetera præstò futura spondere: quod ipsum quoniam de vocatione Religiosa, Religiosoque homini longè verius dici potest,

Yy

test,

